



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Friderici Karg Bambergensis Franconis. Pax Religiosa Sive De exemptionibus, & subjectionibus Religiosorum

Karg von Bebenburg, Johann Friedrich

Herbipoli, 1680

IX. An Episcopus habeat potestatem in Regulares, occasione turbatæ vel
offensæ jurisdictionis Episcopalis?

urn:nbn:de:hbz:466:1-38315

CAPUT IX.

An Episcopus habeat potestatem in Regulares, occasione turbatae vel offensae jurisdictionis Episcopalis.

70. *Limitatio generalis in materia exemptionis.*

71. *Necessitas hujus Limitationis.*

72. *Res clarè decisa per Gregorium XV. & Clementem*

73. *Facultas puniendi tacitè inest huic delegationi generali.*

74. *Quid liceat Principi seculari adversus Clericum vel Regularem seditiosum?*

70. **I**N materia exemptionis Regularium resultat ex dispositione Juris communis limitatio generalis, quam turbata vel offensa jurisdictio palàm importat, nisi obstet omnimoda turbati vel offensi Judicis incapacitas, qualem in Judice Laico respectu Clericorum & Regularium Sacri Canones induxerunt; non item in Episcopis ratione casuum,

C 3

in

in quibus Regulares exempti subji-
 tur Ordinariorum jurisdictioni, com-
 petente iisdem indistinctâ potestate
 les Religiosos suæ potestatis turbatores
 vel offensores coërcendi, cum revoca-
 tione omnium quorumcunque privile-
 giorum, ut à S. Congregatione Con-
 cili 7. Febr. 1633. declaratum fuisse, Re-
 gulares ipsi testantur.

71. Quod sanè per quàm necessari-
 fuit contra turbatores, ac usurpatores
 Episcopaliū jurium, ne forensibus
 exemptis panderetur continuò jam
 malè tractandi Episcopos, vel p̄iester-
 rum conatibus jugiter obnitendi.

72. Quamvis igitur in aliis casibus
 indifferentibus sola facultas cognosce-
 di causas exemptorum, eosque decla-
 randi pœnâ dignos, Episcopis compe-
 teret; ipsa verò eorundem Reorum p̄-
 tatio spectaret ad proprios Regulares P̄-
 latos: secus est tamen in casibus excep-
 tis, in quibus ablatum est accidentale im-
 pedimentum Episcoporum, ita ut dicitur
 soluti

Solutis eatenus exemptionis vinculis, quibus Episcoporum manus constringebantur, jure suo primævo & nativo denuo gaudeant, atque non tantum ad pœnas corporales ac reales, sed etiam spirituales censurarum procedere possint, sublato nunc omni dubio per saluberrimas Gregorii XV. & Clementis X. constitutiones.

73. Nec quicquam in contrarium facit, quod S. C. Tridentinum non exprimat in quibuslibet casibus facultatem Episcoporum contra Regulares procedendi per censuras: quia expressio ejus, quod tacite inest, nihil operatur c. *Ex parte. 2. §. de reser.* constat autem, quod nulla sit jurisdictio sine coercitione c. *Ex litteris. 29. §. de off. & pot. Jud. deleg.* Quod si non capiunt Adversarii, hoc saltem argumento ad hominem se stringi agnoscant, quod similiter in multis delegationibus ejusdem S. C. Tridentini exprimaturs Clausula: *tantumquam sedis Apostolicae delegatus*: quam

C 4 ipsi

ipfi tamen in aliis delegationibus, ubi subicitur, non volunt excludi. Sed nec his, nec aliis remonstrationibus opus est amplius, post supradictas summorum Pontificum Declarationes.

74. Grave dubium incidens superest, quantum *seculari Principi adversus Clericum aut Regularem seditionis Authorem, vel complicem liceat?* cuius facile respondetur, rem totam, si fieri possit, requisitis eorum Prælati, Honorumque auctoritate expediendam esse, quod si verò hic vel meritò suspectus aut negligens; vel in mora periculum fuerit, non tam animo puniendi Reum, quam consulendi Patriæ eamque defendendi, de naturali ac communi omnium gentium Jure Princeps seu Magistratus secularis talem propriâ manu expellere poterit, exemplo Salomonis 3. Reg. 2. v. 26. non minus, atque privato homini omni Jure permissum est se adversus quemcunque aggressorem injustum tueri, citra periculum incurrendi cen-

surat

suras *Bulla cœna*, quæ §. 12. de via jurisdi-
 ctionis contentiosa tantum loquitur;
 nec tantæ virtutis est, ut jus naturale vel
 gentium uniuersarum evertat.

CAPUT X.

An Regulares aliàs exempti sub-
 jiciantur Episcopis ratione publi-
 corum officiorum?

75. *Specialis cura propter officia publica.*

76. *Regulares Episcopo reddere debent rationes
 administrationis Confraternitatum, &
 executionis Testamentorum*

75. **C**um boni publici præprimis in-
 ter sit, ut officia publica compe-
 tenter administrantur, ideoque ipsi et-
 iam milites, quantavis aliàs exemptio-
 ne gaudentes, pro functionibus pensi-
 tionibusque publicis coram ordina-
 rio Iudice loci conueniantur *L. un. in
 prin. C. in quib. caus. militan. fori præ-
 script. uti non pos. æquum omnino fuit,*
 ut idem statueretur de militibus spiritua-

C 5 libus